

المكان	هتأخذ معاك ايه وانت رايح	هتطلع من هناك ايه
الكلية	بطاقتك وشهادة ميلادك وصورهم	5 شهادات مؤقتة 2 بيان درجات
المستشفى	اللوج بوك خالصان ومختوم بما فى ذلك صفحات الاجازات والجزائات (بعض الكليات اللوج بوك يحتوى على هذة الصفحات) وكمان معاك جواب الاخلاء من المستشفى ال كنت فيها وجوابات الانتظام (بعض الكليات بتطلب جواب انتظام عن كل شهر)	5 شهادات امتياز
مكتب التأمينات والمعاشات	بطاقتك	الرقم التأميني مطبوع ومختوم ولو كنت (مستفيد) بتقبض معاش تجيب قيمة المعاش وجهة الصرف ورقم الربط برده مطبوع ومختوم
السجل المدني	بطاقتك	شهادة ميلاد كمبيوتر
استديو تصوير		16 صورة شخصية
القسم او المديرية	بطاقتك وصور شخصية عند الاستلام للفيش العادى لو كمبيوتر مش هتحتاج صور	2 فيش وتشبية
مكتب البريد		اقرار زمة مالية
مستشفى تأمين صحي		استمارة كشف طبي نموزج 111 ت.ب.ص
مكتبة		استمارة 103 واستمارة 105 تصوير البطاقة الشخصية وشهادة الميلاد 5 نسخ تصوير الرقم التأميني
منطقة التجنيد هتروح مرتين مرة لترخيص مزاولة المهنة ومرة لأستلام العمل	6 جند وشهادة التخرج وشهادة الامتياز	شهادة المعاملة العسكرية (الموقف من التجنيد) لو واخذ اعفاء خلاص متروخش منطقة التجنيد تاخذ معاك صورة شهادة الاعفاء والاصل للأطلاع وانت رايح النقابة

<p>ايصال سداد الرسوم (رسم القيد) كارينة النقابة بعد شهر تقريبا فى الحفلة التى تقام للدفعة</p>	<p>شهادة التخرج المؤقتة شهادة الامتياز فيش موجة للنقابة صورة البطاقة صورة شهادة الميلاد 2 صور شخصية الرسوم المالية (رسم القيد)</p>	<p>نقابة الاطباء العامة او الفرعية</p>
<p>3 نسخ ترخيص مزاولة المهنة اتنين منهم هتستلمهم وواحد النقابة هتاخذة عشان الكارنية</p>	<p>ايصال سداد الرسوم المالية (رسم القيد) شهادة التخرج المؤقتة شهادة الامتياز 2 صورة شخصية شهادة المعاملة العسكرية (الموقف من التجنيد) صورة البطاقة صورة شهادة الميلاد</p>	<p>ادارة التراخيص مندوب الوزارة يكون فى النقابة</p>
<p>جواب او قرار التكليف</p>		<p>وزارة الصحة (محطة مترو سعد زغول)</p>
<p>تملى بيانات استمارة الكشف الطبى وتختتمها 3 اختام نسر عشان تروح تكشف مكان ما حجزت (الحجز عن طريق الاتصال بالرقم ال موجود على الاستمارة)</p>	<p>جواب التكليف استمارة كشف طبي 111</p>	<p>الكشف الطبى</p>
<p>استلام العمل (جواب موجة للأدارة) مفردات مرتب</p>	<p>شهادة التخرج شهادة الامتياز شهادة الميلاد فيش ترخيص مزاولة المهنة 4 صور اقرار زمة مالية صورة البطاقة الرقم التأمينى شهادة المعاملة العسكرية (الموقف من التجنيد) استمارة 103 استمارة 105 استمارة 6 تأمينات ومعاشات</p>	<p>مديرية الصحة</p>

	استمارة كشف طبي 111 (نتيجة)	
جواب استلام عمل موجه للوحدة جواب موجه للمديرية منساش تعمل طلب ضم سنة الامتياز لسنين الخبرة عشان تاخده معاك المديرية	جواب موجه للإدارة صورة البطاقة	الإدارة الصحية
مفردات المرتب لو مكنتش جبتها اول مره	جواب الإدارة للمديرية طلب ضم سنة الامتياز لسنين الخبرة	مديرية الصحة

خلى معاك ديما فلوس بزيادة وكمان صور شخصية بزيادة
بعض الاوراق بتختلف من جامعه للتانية فى العدد والتكلفة المادية
صور ديما اى ورقة او مستند حكومى قبل تسليمه

لما تروح النقابة هتشتري ملفين بـ15 جنية ملف اصفر و ملف ازرق
فيهم اوراق ودمغات مكتبتهاش فوق عشان متتعيش فى التدوير عليهم

فى اوراق تانية تخص المديرية مكتبتهاش عشان متتعيش فى التدوير عليهم مكان ما تروح تخلص ورقك
هتلاقيهم ان شاء الله

يوم النقابة

تفاصيل النقابة و مندوبى وزارة الصحة

اولا هتخلص كل اوراقك ان شاء الله فى النقابة مش هتروح الوزارة لأن الوزارة جت لحد عاندك كتر
خيرها

اولا هتدخل النقابة تلاقى قاعة فى الوش داخل القاعة على اليمين هتلاقى موظف محترم هتدبلك 15 جنية
هيدبلك ملفين

#اصفر و **#ازرق** متدبس فى الازرق دمغة

**الاصفر هتخط فية الاوراق التالية

طلب قيد بالجدول العام (موجود بالفعل داخل الملف انت عليك تملاه بس)

شهادة التخرج المؤقتة نسخة اصلية

شهادة قضاء الامتياز نسخة اصلية

الفيس الموجه للنقابة

صورة بطاقة الرقم القومى

صورة شهادة الميلاد

2 صورة فوتوغرافية (تشمل صورة الكارنية يعنى شوف صورة كويسة مش بايطة من الاختام الى

ختمتها بدون فائدة

هترتبهم الترتيب دا وتديهم الملف فى نفس القاعة هيدوك اذن دفع للخرينة تنزل تحت تدفع 200

جنية وتاخذ [#ايصال](#)

**الازرق هتحتط فية الاوراق التالية

طلب استخراج مزاولة المهنة (موجود بالفعل داخل الملف انت عليك تملاه بس)

(اسمة [#نموزج صفحة 13](#) وليس نموزج صحة 13 كما يشاع) وزى ما قلنا موجود ف الملف املاه

بس

ايصال بسداد رسوم القيد الى دفعناها فى الخزنة (تلزق عليه دمغة بجنية من المدبسين فى الملف من بره)

شهادة التخرج المؤقتة نسخة اصلية (تلزق عليه دمغة بجنية من المدبسين فى الملف من بره)

شهادة قضاء الامتياز نسخة اصلية (تلزق عليه دمغة بجنية من المدبسين فى الملف من بره)

2 صورة فوتوغرافية

شهادة المعاملة العسكرية او صورة شهادة الاعفاء ولم يطلب الموظف الاطلاع على الاصل حقيقة لكن

احتياطى خد معاك الاصل (تلزق علي الصورة دمغة بجنية من المدبسين فى الملف من بره)

صورة بطاقة الرقم القومى (تلزق عليه دمغة بجنية من المدبسين فى الملف من بره)

صورة شهادة الميلاد (تلزق عليه دمغة بجنية من المدبسين فى الملف من بره)

هتخرج بره النقابة وتدخل الجنية الى على شمال النقابة وانت خارج هم عاملين فراشة هناك

هتسلم الورق وتدفع 19 جنية وتنتظر شوية

بعد شوية هيطلع الموظف ينادى اسماء الناس الى طلع ترخيص مزاولة المهنة الخاص بهم

هيسلمك اتنين ترخيص مزاولة مهنة والتالت هتاخده النقابة عشان الكارنية

كده تقدر تروح ومبروك

الكارنيهات لسه مش عارفين امتى بس مش قبل اخر شهر 3 ان شاء الله

مش فارق خالص فكرة انك تكون خاتم الصور او صور البطايق او شهادات الميلاد

ينفع الزوج يخلص لزوجته بس البطاقة يكون فيها متزوجه من فلان او يجيب صورة القسيمة معاه

بخصوص ايام كل جامعة فى النقابة انا عارف من فترة ان الموضوع كله اجراء تنظيمي عشان مييقاش

يوم مشحون ويوم فاضي

لكن فى حالة عدم النظام هيتم الالتزام بالايام المحددة لكل جامعة والباقي يروح بيتهم

يعنى من الاخر مش ملزمين بيوم جامعتك بس بنظام

بالتوفيق

بالنسبة للولاد لازم تجيبوا شهادة معاملة عسكرية من منطقة التجنيد اللي انتم تابعين ليها

زي الورقة اللي جبتها ساعة استخراج ترخيص مزاولة المهنة

بس متعدل تاريخها الي 1 يولية وصورها نسخة وخليها معاك

طيب لما يبجي 1 يولية هنعمل ايه

هتسال في قسم الشرطة اللي انت تابع ليه

وتشوف موقفك من التجنيد

لو انت مطلوب للتجنيد هتروح تعمل الكشف الطبي والارجا لو قالك مش مطلوب هتروح تعمل شهادة
معاملة جديدة لحد تاريخ 1 اكتوبر

وبعد كده اي ورقة جديدة تحصل عليها من الجيش لازم لازم توديها المديرية عشان ده مهم اوي
اوي اوي

ده بالنسبة للجيش

جواب او قرار التكليف

هتروح على وزارة الصحة في محطة سعد زغلول بالمترو

هتخش مكتبة بهجت اللي جنب الوزارة قبل ما تخش الوزارة

قوله عايز جواب تكليف

هيديك 3 ورقات بجنيه

هتطلع الدور الخامس في الوزارة تمضيه وتختمه

وخلص كده انت خلصت الوزارة

(غالبا النظام دا هيتغير ان شاء الله)

الكشف الطبي

وده خطواته مهمة ولازم تيجي بالترتيب

هتشتري استمارة 111 ب 13 جنيه من اي مستشفى تامين

هتتصل على الارقام بتاعة الكشف التاميني اللي موجودة على الاستمارة

وتحجز موعد للكشف الطبي

مستعجل ب 120 جنيه عشان تكشف في نفس اليوم

والمكان سيكون حسب المديرية بتعتك

وياريت تتصل على الساعة 9 او 10 الصبح عشان يردوا عليك ومش يضيعوا رصيدك على الفاضي لان الدقيقة من المحمول بجنيه ونص

بعدين تروح على المديرية ومعاك جواب التكليف واستمارة الكشف الطبي

هيملوك بياناتك وتختمها 3 اختام نسر ودي مهمة

بعد كده تروح على المكان بتاع الكشف التاميني اللي حجزت فيه

على الساعة 2 لانهم بيدخلوك بعد اللي حاجز عادي مش مستعجل

وعشان ما تتفاجئش في 3 حجات كشف

واحدة عينة بول

وواحدة نظر

وواحدة جراحة وباطنة ودي ساعات بيرخموا ويكشفوا زي كشف الجيش

بس لما بيعرف انك دكتور بيحترم الزمالة

هتخلص الكشف وتسلم الاستمارة مختومة وممضية ومكتوب فيها

لائق طبيب بشري

صورها صورتين وخليها معاك

الاستلام في المديرية

هتروح ومعاك كل اوراقك

وياريت تروح بدري عشان الموظفين مش يرجعوك

صور القرار بتاعك 5 نسخ

الكشف الطبي نسختين

4 صور شخصية

الفيش

شهادة الامتياز

شهادة التخرج

شهادة المعاملة العسكرية استمارة 103 اللي جيناها من عند مدام هنية واللي مش معاه مايقلقش بتتباع هناك

هتدفع 5 جنيه

تمن الملف اللي هيتحط فيه الورق ده كله

ومن هناك الموظفين هيوجهوك امضي من فلان ومن علان

لحد لما في الاخر تاخذ جواب موجه للادارة بتعتك تستلم بيه في الادارة

وبكده مبروك عليك

انت الان على قوة الحكومة المصرية وعلى الدرجة الثالثة

الاستلام من الادارة الصحية

هتخش بالجواب اللي اخدته من المديرية لمدير الادارة

هيوز عك في الوحدة بتعتك

وهناك في الادارة هتملى شوية ورق

ومطلوب منك

صورة البطاقة الشخصية

اقرار الذمة المالية

ودوسيه كرتون وكليز باج

والموظفين هيدلوك تعمل ايه وتختم ايه

وماتنساش ودي مهمة جدا

انك تكتب طلب بضم سنة الامتياز لسنين الخبرة في الادارة وتمضيه وتختمه من مدير الادارة قبل ما

تمشي وتاخره معاك عشان ترفعه للمديرية

وانت ماشي من الادارة هيكون معاك جواب استلام عمل موجه للوحدة

وواحد كمان للمديرية وكمان طلب ضم سنة الامتياز لسنين الخبرة

الاستلام في الوحدة

هتروح بالجواب اللي من الادارة

تسلمه للوحدة

وتقابل الطبيب الاول وتحط جدولك

والموظفين هناك هيخلصوك كل حاجة ويحطوك في استمارات المرتبات

ومبروك عليك

اخر خطوة هتاخذ الجواب بتاع المديرية

وطلب ضم شهادة الامتياز لسنين الخبرة

وتطلع طلعة على المديرية في يوم كده بعد الاتلام طبعا في الوحدة

وماتنساش تجيب حاجة اسمها مفردات المرتب من هناك وتسلمها نسخة للادارة ونسخة للوحدة

نصيحة مهمة

اي ورقة صورها نسخة واحتفظ بيها

جوابات الاستلام والحاجات دي ومفردات المرتب

لانك هتحتاجها في يوم من الايام

الكمال لله وحدة فسامحوني لأى تقصير او خطأ

والشكر موصول لكل طبيب شارك فى هذا العمل مباشر او عن طريق النقل من مواضيعي على النت

واتمنى مراجعتى لتصحيح اى اخطاء او معلومات مغلوبة

<https://www.facebook.com/drelagoz1>

تحياتى لجميع الزملاء الاطباء

اخوكم فى الله محمد العجوز

#بدون_تأليف_كيفية_انهاء_ورق_التكليف

الاصدار السادس 24 مارس 2014